

羅湘鄒氏族譜卷首下

花橋支下源流考

自來分姓別氏者或以國或以封或以官或以謚或以邑其所由來遠矣吾宗出自宋之正考父食邑於鄒以邑爲氏春秋值華胄之變奔魯者孔留邑者鄒自戰國及漢代有人文若齊談天炙轂之衍漢上梁王書之陽皆是也至我仲俊公事漢武帝爲上谷守時匈奴入寇圍城帝遣大將軍衛青來援公率城中軍八千餘人應之遂大破匈奴得首虜七百人晉秩賜封東魯侯後世宗東魯者以此記

曰別子爲祖繼別爲宗各有原委不容混淆吾豫章宗派之原委歷斷自仲俊公始仲俊公三世光啟公除授秀州刺史卽今撫州遂家焉梅林其地也七世堅公自梅林徙劍江虔里又恂公自虔里徙新吳菱山越十二世我清隱垣公鍾山靈而起學識超羣唐宣宗遁跡時遊覽名山福地至公家一見遂相訂爲布衣交旣登大寶三召皆不就下詔優答其所居山因名曰駕山而吾宗之碩大蕃昌於本邑至遷移於新建甯州靖安高安新昌建昌各屬俱稱世家則實自我清隱公始也又越十二世我體仁公度量